



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADONAČELNIK**

Broj: 01/1-02-1505/22

Datum: 29.09.2022. godine

Na osnovu člana 68. stav (4) tačka i), člana 70. Zakona o javnim nabavkama Bosne i Hercegovine ("Službeni glasnik BiH", broj: 39/14), otvorenog postupka javne nabavke za LOT 1- Sanacija klizišta na lokalitetu ulice Rašidovića i LOT 2- Sanacija klizišta u Podvincima objavljenog na portalu javnih nabavki Obavještenjem o nabavci broj: 870-1-3-66-3-95/22 od 04.08.2022.god., donosim:

**ODLUKU
o izboru najpovoljnijeg ponuđača**

I

Komisija je konstatovala da su ponude ponuđača RMK ENGINEERING d.o.o. Sarajevo i ADO-TRANS d.o.o. Visoko za LOT 1 – Sanacija klizišta na lokalitetu ulice Rašidovića dostavljene u skladu sa uslovima iz tenderske dokumentacije, dok ponuda ponuđača TERMO-BETON d.o.o. Breza nije dostavljena u skladu sa uslovima iz tenderske dokumentacije zbog čega je odbačena.

Komisija je konstatovala da je ponuda ponuđača ADO-TRANS d.o.o. Visoko za LOT 2 - Sanacija klizišta u Podvincima dostavljena u skladu sa uslovima iz tenderske dokumentacije, dok ponuda ponuđača TERMO-BETON d.o.o. Breza nije dostavljena u skladu sa uslovima iz tenderske dokumentacije zbog čega je odbačena.

U skladu sa navedenim i provedenom e-aukcijom najpovoljnijim ponuđačima proglašavaju se:

LOT 1 – ADO-TRANS d.o.o. Visoko (sa cijenom ponude u iznosu od 72.444,00 KM bez PDV-a)

LOT 2 – ADO-TRANS d.o.o. Visoko (sa cijenom ponude u iznosu od 59.494,01 KM bez PDV-a)

II

Izabrani ponuđač za LOT 1 i LOT 2 obavezan je dostaviti dokumentaciju iz člana 45. Zakona o javnim nabavkama u roku od 7 (sedam) dana od dana prijema ove Odluke, a u skladu sa uslovima definisanim u tenderskoj dokumentaciji. Ponuđač ADO-TRANS d.o.o. obavezan je dostaviti dokaz iz tačke 12.1. a) (ekonomska i finansijska sposobnost) tenderske dokumentacije u originalu ili ovjerenoj kopiji u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji, obzirom da je u okviru ponude dostavio običnu kopiju potvrde banke.

III

Po sticanju uslova za zaključenje ugovora, ugovorni organ će pozvati izabranog ponuđača radi zaključenja ugovora u skladu sa zahtjevima - uslovima ugovornog organa navedenim u otvorenom postupku.

IV

Odluka stupa na snagu danom donošenja.

Obrazloženje

Grad Visoko je pokrenuo otvoreni postupak javne nabavke za:

LOT 1- Sanacija klizišta na lokalitetu ulice Rašidovića

LOT 2- Sanacija klizišta u Podvincima,

Odlukom o pokretanju postupka broj: 01/2-02-1068/22 od 01.08.2022.god. Postupak je objavljen na portalu javnih nabavki Obavještenjem o nabavci broj: 870-1-3-66-3-95/22 i u Službenom glasniku BiH broj: 54/22 od 12.08.2022. godine.

U skladu sa članom 13. Zakona o javnim nabavkama BiH („Službeni glasnik BiH” broj: 39/14) i Pravilnikom o uspostavljanju komisije za javne nabavke („Službeni glasnik BiH”, broj: 103/14) Komisija je imenovana Rješenjem broj: 01/1-02-1069/22 od 01.08.2022.god., u sastavu:

- | | |
|-----------------------------|---|
| 1. Adna Smajić, predsjednik | 1. Mirha Hasanbegović, zamjenik predsjednika, |
| 2. Mugdim Čosović, član | 2. Emir Bukurević, zamjenik člana |
| 3. Almir Osmanbegović, član | 3. Mahir Karavdić, zamjenik člana |
| 4. Zilha Sirčo, sekretar. | 4. Alma Ahmić, zamjenik sekretara |

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude, preuzeli i TD.

U roku za dostavljanje ponuda 23.08.2022.god. (utorak) do 12:00 sati dostavljene su ponude ponuđača:

1. **RMK ENGINEERING d.o.o. SARAJEVO**
2. **TERMO-BETON d.o.o. BREZA**
3. **ADO-TRANS d.o.o. VISOKO**

Dana 23.08.2022.god. (utorak) u 12:15 sati Komisija se sastala i pristupila otvaranju pristiglih ponuda. Otvaranju ponuda prisustvovao je predstavnik ponuđača „ADO TRANS” d.o.o Visoko, gosp. Haris Karasalihović, za kojeg je ovlaštenje priloženo u sklopu ponude.

LOT 1- Sanacija klizišta na lokalitetu ulice Rašidovića

Predsjednik Komisije je pročitao cijene ponuda i to:

Red. br.	Ponuđač	Ukupna cijena KM bez PDV-a	Popust (KM bez PDV-a)
1.	RMK ENGINEERING d.o.o. SARAJEVO	88.116,40	nema
2.	TERMO-BETON d.o.o. BREZA	73.119,80	nema
3.	ADO-TRANS d.o.o. VISOKO	72.444,00	nema

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama („Službeni glasnik BiH”, broj: 39/14).

Komisija je prilikom evaluacije ponuda konstatovala sljedeće:

Ponuda ponuđača **RMK ENGINEERING d.o.o. SARAJEVO** je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama („Službeni glasnik BiH”, broj: 39/14), dostavio je običnu kopiju Potvrde banke iz tačke 12.1. Tenderske dokumentacije.

Ponuda ponuđača **TERMO-BETON d.o.o. BREZA** je blagovremena, ali nije dostavljena u skladu sa uslovima iz Tenderske dokumentacije. Ponuđač je ponudu za LOT 1 i ponudu za LOT 2 dostavio kao jednu ponudu uvezane zajedno u jednoj fascikli. Navedeno nije u skladu sa tačkom 7. Tenderske dokumentacije kojom je propisano sljedeće: „Za svaki lot se podnosi posebna ponuda“.

U skladu sa navedenim, odbacuje se ponuda ponuđača **TERMO-BETON d.o.o. BREZA**.

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: gradonacelnik@visoko.gov.ba



Ponuda ponuđača **ADO-TRANS d.o.o. VISOKO** je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je običnu kopiju Potvrde banke iz tačke 12.1. Tenderske dokumentacije.

LOT 2- Sanacija klizišta u Podvincima

Predsjednik Komisije je pročitao cijene ponuda i to:

Red. br.	Ponuđač	Ukupna cijena KM bez PDV-a	Popust (KM bez PDV-a)
1.	TERMO-BETON d.o.o. BREZA	52.383,43	nema
2.	ADO-TRANS d.o.o. VISOKO	59.494,01	nema

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama ("Službeni glasnik BiH", broj: 39/14).

Komisija je prilikom evaluacije ponuda konstatovala sljedeće:

Ponuda ponuđača **TERMO-BETON d.o.o. BREZA** je blagovremena, ali nije dostavljena u skladu sa uslovima iz Tenderske dokumentacije. Ponuđač je ponudu za LOT 1 i ponudu za LOT 2 dostavio kao jednu ponudu uvezane zajedno u jednoj fascikli. Navedeno nije u skladu sa tačkom 7. Tenderske dokumentacije kojom je propisano sljedeće: „Za svaki lot se podnosi posebna ponuda“.

U skladu sa navedenim, odbacuje se ponuda ponuđača **TERMO-BETON d.o.o. BREZA**.

Ponuda ponuđača **ADO-TRANS d.o.o. VISOKO** je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je običnu kopiju Potvrde banke iz tačke 12.1. tenderske dokumentacije.

Nakon analize ponuda Komisija je predložila da se za LOT 1 provede e-aukcija u skladu sa Pravilnikom o uslovima i načinu korištenja e-aukcije.

Rang lista ponuđača prije zakazivanja e-aukcije za LOT 1:

1. ADO-TRANS d.o.o. VISOKO - 72.444,00 KM
2. RMK ENGINEERING d.o.o. SARAJEVO - 88.116,40 KM

Procijenjena vrijednost nabavke za LOT 2 iznosi 46.666,60 KM, dok cijena ponude jedinog kvalifikovanog ponuđača ADO-TRANS d.o.o. VISOKO iznosi 59.494,01 KM bez PDV-a. Dakle, cijena ponude prelazi procijenjenu vrijednost nabavke za 12.827,41 KM bez PDV-a. Komisija je od Službe za infrastrukturu, ekologiju, komunalne i inspeksijske poslove tražila izjašnjenje u pogledu osiguranja dodatnih sredstava kako bi se postupak mogao nastaviti.

Služba za infrastrukturu, ekologiju, komunalne i inspeksijske poslove dostavila je Saglasnost broj: 08/1-02-12718/22 od 19.09.2022.god. kojom obavještava da je saglasna sa najpovoljnijom ponudom u postupku javne nabavke LOT 2 – Sanacija klizišta u Podvincima, koja prelazi procijenjenu vrijednost nabavke za 12.827,41 KM bez PDV-a i da će osigurati dodatna sredstva.

Obzirom da se e-aukcija ne provodi jer je samo jedna ponuda prihvatljiva, Komisija je predložila donošenje odluke o izboru – ADO-TRANS d.o.o. VISOKO sa cijenom ponude od 59.494,01 KM bez PDV-a.

Dana 28.09.2022. godine Komisija imenovana Rješenjem broj: 01/1-02-1069/22 od 01.08.2022.god., u sastavu:

1. Adna Smajić, predsjednik
2. Mugdim Čosović, član

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: gradonacelnik@visoko.gov.ba



3. Mahir Karavdić, zamjenik člana

4. Zilha Sirčo, sekretar

se sastala i pristupila uvidu u izvještaj o toku i završetku e-aukcije za LOT 1 – Sanacija klizišta na lokalitetu ulice Rašidovića.

Komisija je konstatovala sljedeće:

U toku e-aukcije koja je započela dana 22.09.2022. godine u 09:00 sati a završila istog dana u 09:15 sati nije došlo do promjene cijena, te je najpovoljniji ponuđač nakon završene e-aukcije ADO-TRANS d.o.o. Visoko sa cijenom ponude u iznosu od 72.444,00 KM bez PDV-a, koja ne prelazi procijenjenu vrijednost nabavke.

U skladu sa navedenim odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od 10 (deset) dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.

Dostavljeno:

1. ADO-TRANS d.o.o. Visoko,
2. RMK-ENGINEERING d.o.o. Sarajevo,
3. TERMO-BETON d.o.o. Breza,
4. Evidencija
5. a/a.-



GRADONAČELNIK

mr.sc. Mirza Ganić dipl.ing.